



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e-mail: info@voda.ba

Broj: **UP-1/21-1-40-119-7/23**
Datum: **24.07.2023. godine**

«Agencija za vodno područje rijeke Save» Sarajevo rješavajući po zahtjevu Općine Tešanj - Služba za katastar, urbanizam i imovinsko-pravne poslove za donošenje rješenja o prethodnoj vodnoj saglasnosti za izgradnju/polaganje dijela trase vodovodne mreže na zemljišnim česticama označenim kao k.č. broj 1496/1 i 791/3 K.O. Mrkotić (javno vodno dobro - rijeka Usora) a u postupku izdavanja urbanističke saglasnosti za proširenje vodovodne mreže za naseljeno mjesto Putešić u MZ Kalošević, općina Tešanj, na osnovu člana 109. stav (1) a u vezi sa članom 12. stav 1. tačka (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o prethodnoj vodnoj saglasnosti**

1. Općini Tešanj - Služba za katastar, urbanizam i imovinsko-pravne poslove daje se prethodna vodna saglasnost za izgradnju/polaganje dijela trase vodovodne mreže na zemljišnim česticama označenim kao k.č. broj 1496/1 i 791/3 K.O. Mrkotić (javno vodno dobro - rijeka Usora) a u postupku izdavanja urbanističke saglasnosti za proširenje vodovodne mreže za naseljeno mjesto Putešić u MZ Kalošević, općina Tešanj.
2. Prethodna vodna saglasnost daje se na osnovu pregleda dostavljene dokumentacije i pod sljedećim uslovima:
 - 2.1. Da je planirana aktivnost - izgradnja/polaganje dijela trase vodovodne mreže na zemljišnim česticama označenim javno vodno dobro - rijeka Usora a u sklopu proširenja vodovodne mreže za naseljeno mjesto Putešić u MZ Kalošević, općina Tešanj usklađena sa važećom prostorno-planskom dokumentacijom i razvojnim planovima Općine Tešanj.
 - 2.2. Da korisnik prethodne vodne saglasnosti osigura izradu tehničke dokumentacije (na nivou Glavnog projekta) na osnovu koje će se vršiti izvođenje radova na izgradnju/polaganje dijela trase vodovodne mreže na zemljišnim česticama označenim javno vodno dobro - rijeka Usora a u sklopu proširenja vodovodne mreže za naseljeno mjesto Putešić u MZ Kalošević, općina Tešanj. Tehnička dokumentacija mora biti izrađena i revidovana od strane pravnih lica koja imaju ovlaštenja za izradu dokumentacije na osnovu koje se izdaju vodni akti izdata od strane Federalnog ministarstva za poljoprivredu, vodoprivredu i šumarstvo.
 - 2.3. Da se predmetna trasa prikaže na situaciji odgovarajuće razmjere koja odražava trenutno stanje na terenu, sa prikazom položaja planiranog cjevovoda u odnosu na rijeku Usoru i druge postojeće i planirane hidrotehničke objekte ukoliko se takvi nalaze u pojasu radova (zaštitni vodoprivredni objekti, objekti lokalnog vodovoda, kanalizacionog sistema i sl.), te sagledati sve moguće neželjene uticaje na režim površinskih voda, objekte i postrojenja, stečena prava korisnika, postojeću infrastrukturu, naselja i sl. te dati prijedlog mjera za uklanjanje odnosno sprječavanje tih uticaja.
 - 2.4. Projektnom dokumentacijom definisati način privremenog pa sve do konačnog zbrinjavanja viška iskopanog materijala i ostalog otpada koji će nastati prilikom polaganja cjevovoda vodeći računa da se isti ne smije odlagati na česticu «vodno dobro», odnosno u vodotok i na njegove obale.
 - 2.5. Način ukrštanja cjevovoda sa postojećim vodovodnim, elektroenergetskim i drugim instalacijama treba da se projektuje u skladu sa tehničkim propisima za ovu vrstu

- radova i prema uslovima i saglasnostima organizacije koja upravlja navedenim sistemom.
- 2.6. Projektnom dokumentacijom definisati organizaciju i tehnologiju izvođenja radova u obalnom pojasu rijeke Usore, te definisati mjere koje je potrebno poduzeti u toku izvođenja radova na polaganju cjevovoda na desnoj obali rijeke Usore kako ne bi došlo do erozionih procesa na obalnom području, do podlokovanja temelja stubova mosta kao i negativnih uticaja na druge korisnike voda (vodosnabdijevanje, ribari i sl.).
 - 2.7. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, vodoprivrednih interesa te ekoloških zahtjeva.
3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima, Pravilnik o sadržaju, obliku, uslovima, načinu izdavanja i čuvanja vodnih akata, («Službene novine Federacije BiH» broj 31/15, 55/19, 41/20 i 63/22).
 4. Po izradi i reviziji investiciono-tehničke dokumentacije, u skladu sa uslovima iz tačke 2. dispozitiva ovog Rješenja, a prije pribavljanja odobrenja za građenje, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
 5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata. Uz zahtjev se prilaže:
 - 5.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja
 - 5.2. Rješenje o urbanističkoj saglasnosti
 - 5.3. Dokaz o izvršenoj uplati upravne takse u iznosu od 60 KM
 6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
 7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
 8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Služba za katastar, urbanizam i imovinsko-pravne poslove Općina Tešanj podnijela je ovoj Agenciji dana 24.03.2023. godine zahtjev za izdavanje prethodne vodne saglasnosti za izgradnju/polaganje dijela trase vodovodne mreže na zemljišnim česticama označenim kao k.č. broj 1496/1 i 791/3 K.O. Mrkotić (javno vodno dobro - rijeka Usora) a u postupku izdavanja urbanističke saglasnosti za proširenje vodovodne mreže za naseljeno mjesto Putešić u MZ Kalošević, općina Tešanj.

Uz zahtjev nije dostavljena dokumentacija koja je propisana članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata te je dopisom broj: UP-1/21-1-40-119-2/23 od 24.03.2023. godine a potom i dopisom/urgencija broj: UP-1/21-1-40-119-3/23 od 31.05.2023. godine zatraženo od podnosioca zahtjeva da istu dopuni. Dokumentacija je u potpunosti dopunjena u naknadno ostavljenom roku.

U provedenom postupku dostavljena je i pregledana sljedeća dokumentacija:

- Ovjerena kopija Uvjerenja o poreznoj registraciji izdatog dana 20.01.2011. godine od strane Porezne uprave - Kantonalni ured Zenica,
- Ovjerena kopija Uvjerenja broj: 13-4/4-12-5-4499/23 SM kojim se utvrđuje da Općinski načelnik Općine Tešanj prema poreznoj evidenciji nema obaveza izdatog dan 27.03.2023. godine od strane Porezne uprave Federacije BiH – Kantonalni porezni ured Zenica, Porezna ispostava Tešanj,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-UPP/1-19993/07 izdatog dana 07.09.2017. godine od strane Uprave za indirektno – neizravno oporezivanje Banja Luka,
- Kopija Statuta Općine Tešanj («Službeni glasnik Općine Tešanj», broj:11/07),
- Kopije katastarskog plana za parcele označene kao k.č. broj 1496/1 i 791/3 K.O. Mrkotić izdate 08.06.2023. godine od strane Službe za katastar, urbanizam i imovinsko-pravne poslove Općina Tešanj,
- Kopija Identifikacije i spiska katastarskih parcela broj: 06-26-11-1745/23 izdato dana 14.03.2023. godine od strane Službe za katastar, urbanizam i imovinsko-pravne poslove Općina Tešanj,
- Glavni projekat proširenja vodovodne mreže u MZ Kalošević, naseljeno mjesto Putešić sa rezervoarom $R=150m^3$, općina Tešanj urađen od strane «TALWEG» d.o.o. Tuzla (šifra: 6-C/23, februar 2023. godine),
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 13.06.2023. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i u Uredu u Zenici, te dana 15.06.2023. godine u dnevnom glasilu «OSLOBODENJE». U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u dostavljenu dokumentaciju utvrđeno je sljedeće:

U cilju obezbjeđenja novih količina vode za naselje Putešići u MZ Kalošević, općina Tešanj planirano je proširenje vodovodne mreže odnosno dovod dodatnih količina vode sa pumpne stanice sa bunarom «Šišinke» smještene na lijevoj obali rijeke Usore (ranije izgrađeno na zemljištu označenom kao k.č. broj: 854 K.O. Kalošević). Projektom je predviđeno da se transport vode od PS vrši postojećim potisnim cjevovodom preko rijeke Usore do tačke C79, potom novim potisnim cjevovodom do projektovanog rezervoara kapaciteta $150m^3$ (planiran na zemljištu označenom kao k.č. broj: 634/1 K.O. Mrkotić) a nakon toga gravitacionim cjevovodom do potrošača u naselju Putešići.

Uvidom u informacioni sistem voda AVP Sava (ISV) i dostavljenu projektnu dokumentaciju utvrđeno je da se, u postupku izgradnje/proširenja vodovodnog sistema za naselje Putešić - MZ Kalošević, dio trase novog potisnog cjevovoda (od tačke C79 do C49) planira položiti na dijelu zemljišnih čestica koje su označene kao javno vodno dobro uz rijeku Usoru (k.č. broj 1496/1 i 791/3 K.O. Mrkotić, općina Tešanj).

Nakon uvida u dostavljenu dokumentaciju, utvrđeno je da, shodno članu 7. stav (1) tačka 7. i članu 12. stav (1) tačka 1. i stav (2) Zakona o vodama, sa aspekta sektora voda ne postoje smetnje da se podnosiocu zahtjeva izda prethodna vodna saglasnost za aktivnost - izgradnja/polaganje dijela trase vodovodne mreže na zemljišnim česticama označenim kao k.č. broj 1496/1 i 791/3 K.O. Mrkotić (javno vodno dobro - rijeka Usora) a u postupku izdavanja urbanističke saglasnosti za proširenje vodovodne mreže za naseljeno mjesto Putešić u MZ Kalošević, općina Tešanj.

Uslovi koji se trebaju ispoštovati prilikom izrade projektna dokumentacije a koja je podnosiocu zahtjeva potrebna u postupku pribavljanja vodne saglasnosti i odobrenja za građenje, definisani

su u dispozitivu ovog rješenja u skladu sa članom 111. Zakona o vodama, članom 5. i članom 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata. Uplaćeni su i posebni troškovi prema Zaključku ove Agencije broj: UP-1/21-1-40-119-6/23 od 03.07.2023. godine.

Podnosilac zahtjeva je uplatio upravnu i administrativnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac Sektora za izdavanje vodnih akata



Haris Ališehović
Haris Ališehović, dipl.ing.građ.

Dostaviti:

- Općina Tešanj, Služba za katastar, urbanizam i imovinsko-pravne poslove
Trg Alije Izetbegovića bb, 74260 Tešanj
- AVP Sava, ISV – Vodna knjiga
- ⊕ Sektor 40 – arhiva
- Oglasna ploča - AVP Sava